



Centralna banka  
BOSNE I HERCEGOVINE  
Централна банка  
БОСНЕ И ХЕРЦЕГОВИНЕ



# Informacija o rezultatima ankete o inflacijskim očekivanjima iz marta 2024.godine

---



Bilo da su nastala pod uticajem internih ili eksternih faktora, inflacijska kretanja su nezaobilazan makroekonomski indikator u procesu donošenja privatnih i poslovnih odluka. Anketu o inflacijskim očekivanjima predstavnika finansijskog sektora i dalje kvartalno provodi CBBiH. S tim u vezi, komercijalne banke i osiguravajuća društva dostavljaju podatke o očekivanim inflacijama u posmatranim periodima. Samo redovna ispitivanja projekcije ovog indikatora mogu se smatrati efikasnim načinom pružanja informacija daljim korisnicima.

Rezultati ankete provedene u martu 2024. godine odnose se na očekivanja vezana za tekuću 2024. i narednu 2025. godinu. Pozitivna očekivanja inflacijskih kretanja za 2024. i 2025. godinu impliciraju pozitivne tendencije cjelokupne privrede.

Očekivana agregirana inflacija u martovskom krugu ispitivanja za tekuću godinu iznosi 4,2%, što implicira blagi pad u odnosu na 2023. godinu, kada su prema decembarskom anketiranju, učesnici predviđali prosječnu inflaciju 5,8% za 2024. godinu.

Inflacijska očekivanja u ovom krugu za 2025. godinu iznose 3,6%, što predstavlja pad u odnosu na decembarški krug ispitivanja, kada su projekcije stope inflacije za 2025. godinu iznosile 5,5%. Ovo ujedno predstavlja i najniža očekivanja stope inflacije u posljednjoj godini dana. Da li će inflacijski pritisci nastaviti popuštati u narednom periodu i uzrokovati postepenu stabilizaciju očekivane inflacije, ostaje da vidimo.

